

Fraccion(MEP)

CFT ta hopi preocupa pa loke ta e desaroyo di entrada y gastonan di gobierno

ORANJESTAD - Despues cu e rapport di CFT di 4 di juni 2015 a bira conoci, un y tur por a saca un solo conclusion: Gabinete Mike Eman te ainda no a logra pone orden den tur e desorden financiero cu nan mes a crea durante e ultimo 6 añanan! Den e rapport ultimo, CFT a trece 6 recomendacion bon cla padilanti, den cual nan ta conseha gobierno pa entre otro aumenta e BBO/BAZV cu 1½% y percura pa esaki yega te cu 4%.

Na mes momento nan ta conseha gobierno pa sigui aumenta e porcentahe di BBO/BAZV den curso di e aña aki, ya cu CFT ta para hopi sceptico pa loke ta e normanan financiero cu gobierno mes a fiha pa aña 2015, ya cu tur cos ta indica cu nan lo no por cumpli cu e normanan aki.

Progreso di medidanan

Asina nos por a tuma nota di un tabel den e rapport ultimo di CFT den cual un bista ta wordo duna di e realisacion di e presupuesto 2015 pa loke ta e prome kwartaal di e aña aki. Den e reportahe ta ser treci padilanti cu den e prome kwartaal di 2015 tanto e entradanan como e gastonan di gobierno a ser realisa pa mas o menos 25% di e presupuesto total, esta 25.4% resp. 23.7%. Na mes momento den e reportahe aki informacion adicional a ser duna di e

progreso di e medidanan cu gobierno mester a tuma den e prome kwartaal di 2015. Locual a resalta ta cu segun CFT tanto e medidanan pa aumenta e entradanan di gobierno como e medidanan pa baha e gastonan di gobierno (reduccion di e deficit financiero) a keda atras compara cu loke gobierno mes a proyecta.

Proyeccion versus realisacion

Segun e meta y proyeccion di gobierno e medidanan pa aumenta e entradanan den 2015 lo mester yega te 79.5 milyon florin. Pero gobierno a logra aumenta e entradanan cu solamente 15 milyon florin den e prome kwartaal di e aña aki, cual ta ekivalente na un porcentahe di solamente 18.8%. Pa loke ta e gastonan, gobierno a proyecta cu e medidanan pa reduci e gastonan den 2015 lo mester yega te 276.1 milyon florin. Sinembargo Gobierno a logra reduci esaki cu solamente 53.7 milyon florin den e prome kwartaal di 2015, esta cu 19.4%. Mas aleu CFT ta premira cu gobierno lo haya solamente 61.3 milyon florin – pa motibo di cobramiento di belastingnan atrasa – di e suma total di 79.5 milyon florin cu nan mes a proyecta. Pa loke ta e gastonan, e realisacion di e medidanan pa baha e gastonan di personal y di AZV ta kedando atras, segun CFT.

Un pueblo den dolor
 E desaroyo di e dos indica-

Tabel 1 Overzicht Realisatie eerste kwartaal 2015

Algemene dienst	Realisatie	Begroting*	%
Middelen	296,8	1167,8	25,4
Kosten (incl. verplichtingen)	-318,3	-1341,7	23,7
Exploitatietekort	-21,5	-173,9	12,4
Voortgang consolidatiemaatregelen	Realisatie	Target/projectie	
Voorziene opbrengst	68,7	355,6	19,3
Middelen	15,0	79,5	18,8
-Invorderingsactie	15,0	79,5	18,8
Kosten	-53,7	-276,1	19,4
-Personeelskosten	-16,5	-81,1	20,3
-Goederen en diensten	-8,3	-15,2	54,6
-Investerings en kapitaaluitgaven	0,0	-35,0	0,0
-AZV	-12,5	-66,0	18,9
-Subsidies en overdrachten	-16,4	-78,8	20,8

*Bron: ontwerpbegroting 2015.

doran aki, esta e entrada y gastonan di gobierno den e prome kwartaal di 2015 ta muestra claramente cu gobierno ta core atras pa loke ta e meta y proyeccionnan cu nan mes a stipula. Ta p'esey mes CFT den su rapport ultimo ta muestra bon cla su preocupacion pa e calidad di e control financiero, specialmente pa

loke ta e realisacion di entradanan di gobierno. Tambe CFT ta papia cu mester tin cautela na momento di interpreta e cifranan aki, ya cu esakinan ta cifranan cu bin di e propio gobierno. Sin duda cu partido MEP tambe ta sumamente preocupa pa cu henter e desaroyo financiero aki y p'esey ta urgi Gabinete Mike

Eman pa cuminsa na corta den nan propio gastonan di luho, stop di malgasta placa di pueblo manera cu no tin mañan y pa stop di keda tira tur medida riba lomba di pueblo. E pueblo den tur su sufrimento y den dolor no por sigui carga mas medida den 2015 y den e proximo añanan. □